

**DAIM NTAWV QHIA TSEEB RAU COV NEEG TAU KEV PAB THIAB COV NEEG
ZOV TU**

**KEV TSO CAI SIV THAUM KUB CEEV
(EMERGENCY USE AUTHORIZATION) (EUA)
QHOV TSHUAJ TIV THAIV KAB MOB JANSSEN COVID-19 LOS TIV THAIV TUS
KAB MOB CORONAVIRUS 2019 (COVID-19) RAU COV TIB NEEG MUAJ 18
XYOOS THIAB LAUS DUA**

Muaj Koob Tshuaj Tiv Thaiv tus kab mob Janssen (COVID-19) los tiv thaiv koj ntawm tus kab mob Coronavirus 2019 (COVID-19) uas tsim muaj los ntawm tus kab mob SARS-CoV-2. Daim Ntawv Qhia Tseeb no muaj cov ncauj lus pab kom koj nkag siab txog cov teeb meem muaj taus thiab cov txiaj ntsim kev pab los ntawm Koob Tshuaj Tiv Thaiv Kab Mob Janssen COVID-19, uas koj yuav tau vim yog tam sim no tseem muaj tus kab mob kis thoob ntiaj teb COVID-19.

Koob Tshuaj Tiv Thaiv Kab Mob Janssen COVID-19 yeej yog kiag koob tshuaj tiv thaiv kab mob uas yuav tiv thaiv tau koj kom txhob kis tau tus kab mob COVID-19. Tsis muaj ib koob tshuaj tiv thaiv kab mob los tiv thaiv tus kab mob COVID-19 uas Teb Chaws Asmeskas Tuam Tsev Tswj Xyuas Khoom Noj Khoom Haus thiab Tshuaj (U.S. Food and Drug Administration) (FDA) tau pom zoo.

Nyeem Daim Ntawv Qhia Tseeb no kom paub ntiv txog Koob Tshuaj Tiv Thaiv Kab Mob Janssen COVID-19. Sib tham nrog tus kws txhaj tshuaj tiv thaiv kab mob rau koj yog tias koj muaj tej lus nug. Nws yog koj txoj kev txiaj txim txog kev txhaj Koob Tshuaj Tiv Thaiv Kab Mob Janssen COVID-19.

Qhov Tshuaj Tiv Thaiv Kab Mob Janssen COVID-19 yog muab txhaj ua **tib koob**, rau ntawm qhov nqaij leeg. Koob Tshuaj Tiv Thaiv Kab Mob Janssen COVID-19 yuav tiv thaiv tsis tau txhua tus.

Daim Ntawv Qhia Tseeb no tau muab kho tshiab lawm. Kom tau Daim Ntawv Qhia Tseeb tshiab tshaj plaws, thov mus xyuas www.janssencovid19vaccine.com.

KOJ YUAV TAU PAUB DAB TSI UA NTEJ KOJ TXHAJ KOOB TSHUAJ TIV

THAIV KAB MOB NO WHAT IS COVID-19?

Tus kab mob COVID-19 yog tsim muaj los ntawm ib tug kab mob coronavirus uas hu ua SARS-CoV-2. Hom kab mob coronavirus no tsis tau pom dua los. Koj yuav mob taus COVID-19 los ntawm kev sib chww nrog lwm tus uas muaj tus kab mob. Feem ntau yog mob rau ntawm cov hlab ntsws uas kis rau mus rau lwm cov khoom nruab nrog cev. Cov neeg uas muaj tus kab mob COVID-19 muaj cov kev mob tshwm sim ntau yam, txij li ntawm huam mob dog dig mus rau huam mob loj heev. Cov kev mob yuav pib tshwm sim li ntawm 2 rau 14 hnuv tom qab poo rau tus kab mob. Cov kev mob nquag tshwm sim muaj xws li: ua npaws kub ib ce los sis ua daus no; hnoos; ua pa nyuab; nkees; mob nqaij leeg los sis mob ib ce; mob taub hau; tsis hnov qhov ncauj qab los sis ntxhiab tsw; mob qa; txhaws ntswg los sis los ntswg; xeev siab los sis ntau; zawv plab.

QHOV TSHUAJ TIV THAIV KAB MOB JANSSEN COVID-19 YOG DAB TSI?

Koob Tshuaj Tiv Thaiv Kab Mob Janssen COVID-19 yog ib koob tshuaj tiv thaiv kab mob uas tsis tau muaj kev pom zoo los tiv thaiv COVID-19. Yeej tsis muaj ib koob tshuaj tiv thaiv kab mob uas FDA-tau pom zoo los tiv thaiv tus kab mob COVID-19.

FDA tau tso cai rau txoj kev siv Koob Tshuaj Tiv Thaiv Kab Mob Janssen COVID-19 thaum muaj kev kub ceev los tiv thaiv tus kab mob COVID-19 ntawm cov tib neeg muaj hnub nyoog 18 xyoos thiab laus dua raws Kev Tso Cai Siv Thaum Kub Ceev (Emergency Use Authorization) (EUA).

Xav paub ntxiv txog EUA, mus xyuas ntu “**Kev Tso Cai Siv Thaum Kub Ceev (Emergency Use Authorization) (EUA) yog dab tsi?**” nram kawg hauv Daim Ntawv Qhia Tseeb no.

KOJ YUAV TAU QHIA DAB TSI RAU TUS NEEG TXHAJ TSHUAJ TIV THAIV KAB MOB RAU KOJ UA NTEJ KOJ YUAV TXHAJ KOOB TSHUAJ TIV THAIV KAB JANSSEN COVID-19?

Qhia rau tus neeg txhaj tshuaj tiv thaiv kab mob txog tag nrho koj cov kev muaj mob, xws li yog koj:

- muaj kev fab tsis haum cev,
- ua npaws kub ib ce,
- muaj kab mob los ntshav tsis tu los sis noj tshuaj ua kom ntshav sab,
- lub nruab nrog cev tsis muaj zog los sis noj ib yam tshuaj uas cuam tshuam nrog koj lub nruab nrog cev,
- cev xeeb me nyuam los sis npaj yuav xeeb me nyuam,
- pub niam mis rau me nyuam,
- tau txhaj lwm koob tshuaj tiv thaiv COVID-19.

LEEJ TWG THIAJ YUAV TSUM TXHAJ KOOB TSHUAJ TIV THAIV KAB MOB JANSSEN COVID-19?

FDA tau tso cai siv Koob Tshuaj Tiv Thaiv Kab Mob Janssen COVID-19 huam muaj kev kub ceev rau cov tib neeg muaj hnub nyoog 18 xyoos thiab laus dua.

LEEJ TWG THIAJ YUAV TSUM TXHAJ KOOB TSHUAJ TIV THAIV KAB MOB JANSSEN COVID-19?

Koj yuav tsum tsis txhob txhaj Koob Tshuaj Tiv Thaiv Kab Mob Janssen COVID-19 yog koj:

- muaj kev fab tsis haum loj heev rau cov tshuaj txuam hauv koob tshuaj tiv thaiv kab mob no.

COV TSHUAJ TXUAM MUAJ HAUV KOOB TSHUAJ TIV THAIV KAB MOB JANSSEN COVID-19 YOG DAB TSI?

Koob Tshuaj Tiv Thaiv Kab Mob Janssen COVID-19 muaj cov tshuaj txuam nram no: recombinant, replication-incompetent adenovirus hom 26 nthuav txog tus kab mob SARS-CoV-2 muaj ntau cov protein, citric acid monohydrate, trisodium citrate dihydrate, ethanol, 2-hydroxypropyl- β -cyclodextrin (HBCD), polysorbate-80, sodium chloride.

SIV QHOV TSHUAJ TIV THAIV KAB MOB JANSSEN COVID-19 LI CAS?

Yuav muab Koob Tshuaj Tiv Thaiv Kab Mob Janssen COVID-19 txhaj rau koj cov nqaij leeg. Qhov Tshuaj Tiv Thaiv Kab Mob Janssen COVID-19 tsuas teem txhaj **tib koob** nkaus xwb.

PUAS TAU SIV DUA KOOB TSHUAJ TIV THAIV KAB MOB JANSSEN COVID-19 YAV DHAU LOS?

Koob Tshuaj Tiv Thaiv Kab Mob Janssen COVID-19 yog koob tshuaj tiv thaiv kab mob uas tsis tau muaj kev pom zoo. Nyob rau thaum cov sij hawm sim tshuaj kho mob, muaj xws li 21,895 tus tib neeg hnuv nyoog 18 xyoo thiab laus dua tau txhaj tsawg kawg yog 1 Koob Tshuaj Tiv Thaiv Kab Mob Janssen COVID-19.

COV TXIAJ NTSIM ZOO NTAWM KOOB TSHUAJ TIV THAIV KAB MOB JANSSEN COVID-19 YOG DAB TSI?

Thaum lub sij hawm sim tshuaj kho mob, tau pom Koob Tshuaj Tiv Thaiv Kab Mob Janssen COVID-19 tiv thaiv tau tus kab mob COVID-19 tom qab txhaj tag tib koob. Tseem tsis tau paub lub sij hawm uas tiv thaiv tau tus kab mob COVID-19 mus ntev li cas rau lub sij hawm no.

COV TEEB MEEM MUAJ TAU LOS NTAWM KOOB TSHUAJ TIV THAIV KAB MOB JANSSEN COVID-19 YOG DAB TSI?

Cov kev mob tshwm sim los ntawm Koob Tshuaj Tiv Thaiv Kab Mob Janssen COVID-19 uas pom ceeb toom muaj xws li:

- Cov kev voos ntawm qhov koob nkaug: tawv nqaij mob, liab thiab o.
- Cov kev mob tshwm sim uas pom muaj: mob taub hau, hnov nkees heev, mob nqaij leeg, xeev siab thiab ua npaws kub ib ce.

Muaj feem tsawg heev uas Koob Tshuaj Tiv Thaiv Kab Mob Janssen COVID-19 yuav tsim muaj kev fab tsis haum loj heev. Feem ntau, kev fab tsis haum loj heev yuav pib tshwm sim li ntawm ib feeb mus rau ib teev tom qab txhaj tag ib Koob Tshuaj Tiv Thaiv Kab Mob Janssen COVID-19. Vim yog qhov laj thawj no, koj tus neeg txhaj tshuaj tiv thaiv kab mob yuav hais kom koj nyob twj ywm ntawm qhov chaw koj tau koob tshuaj txhaj rau lawv saib xyuas koj ntxiv tom qab txhaj tshuaj tiv thaiv kab mob. Cov cim qhia tias muaj kev fab tsis haum loj heev muaj xws li:

- Ua pa nyuab,
- Lub ntsej muag thiab caj pas o,
- Lub plawv dhia ceev,
- Ua xua thoob plaws lub cev,
- Kiv taub hau thiab tsis muaj zog,

Cov ntshav tuag ntawm cov hlab ntsha hauv lub hlwb, lub plab thiab cov kav ceg nrog rau cov qib qe ntshav khov (cov poov ntshav uas pab koj lub cev cheem txoj kev los ntshav) tsawg, tau pom tshwm sim ntawm qee cov tib neeg uas tau txhaj koob Tshuaj Tiv Thaiv COVID-19 Janssen. Ntawm cov tib neeg uas tau muaj cov ntshav tuag thiab qib qe ntshav khov tsawg, cov kev mob pib tshwm sim li ntawm ib mus rau ob lub lim tiam tom qab txhaj tshuaj tiv thaiv kab mob tag. Feem coob ntawm cov tib neeg uas muaj cov ntshav tuag thiab qib qe ntshav khov tsawg yog cov poj niam hnuv nyoog 18 xyoo mus txog 49 xyoos. Feem muaj taus qhov xwm txheej no tsawg heev. Koj yuav tau mus cuag kev kho mob tam sis yog tias koj muaj cov kev mob tshwm sim nram no tom qab koj txhaj koob Tshuaj Tiv Thaiv COVID-19 Janssen tag:

- Ua pa tsis nto
- Mob hauv siab
- Kav Ceg Phob Vog
- Mob plab tsis txawj zoo
- Mob tau hau heev los sis tsis txawj zoo los sis qhov muag pom kev plooj
- Nqaij doog yooj yim los sis pom cov tee ntshav me me hauv qab daim tawv nqaij lwm qhov chaw ntawm lub qhov koob

Cov no tsis tau yog tag nrho cov kev mob tshwm sim ntawm Koob Tshuaj Tiv Thaiv Kab Mob Janssen COVID-19. Tej zaum kuj muab taus cov mob huam loj heev thiab tsis npaj txog. Yeej tseem muab Koob Tshuaj Tiv Thaiv Janssen COVID-19 los sim tas zog hauv cov kev sim tshuaj kho mob.

KUV YUAV UA LI CAS RAU COV KEV MOB TSHWM SIM?

Yog tias koj muaj kev fab tsis haum loj heev, hu 9-1-1, los sis mus cuag lub tuam tsev kho mob ze tshaj plaws.

Hu cuag tus neeg txhaj tshuaj tiv thaiv kab mob rau koj los sis koj tus kws kho mob yog koj muaj tej kev mob tshwm sim uas zes koj los sis pheej tsis poj.

Ceeb toom txog cov kev mob tshwm sim mus rau FDA/CDC **Kev Ceeb Toom Xwm Txheej Tsis Haum Cev (Vaccine Adverse Event Reporting System) (VAERS)**. VAERS tus xov tooj hu dawb yog 1-800-822-7967 los sis ceeb toom saum huab cua mus rau <https://vaers.hhs.gov/reportevent.html>.

Thov sau “Janssen COVID-19 Vaccine EUA” rau thawj kab ntawm kem #18 hauv tsab ntawv ceeb toom.

Ntxiv mus, koj ceeb toom tau cov kev mob tshwm sim mus rau Janssen Biotech, Inc. ntawm qhov chaw sau cov ncauj lus kev sib cuag nram no.

E-mail	Xov tooj xa ntawv	Cov xov tooj
JNJvaccineAE@its.j com nj.	215-293-9955	Teb Chaws Asmeskas Tus Xov Tooj Hu Dawb: 1-800-565-

Tej zaum yuav muaj txoj kev rau koj rau npe hauv **v-safe**. **V-safe** yog ib txoj kev sau ntawv thiab teb cov lus tshawb kawm saum huab cua hauv xov tooj kom paub tias cov neeg uas tau txhaj tshuaj tiv thaiv kab mob qhia tej kev mob tshwm sim mua tom qab txhaj tshuaj tiv thaiv COVID-19. **V-safe** yuav nug cov npe lus uas kom pab CDC tswj xyuas tau txoj kev nyab xeeb ntawm cov tshuaj tiv thaiv kab mob COVID-19. **V-safe** puav leej muaj neeg hu xov tooj taug qab los ntawm CDC yog tias cov neeg koom kev pab tau ceeb toom tej kab mob kev nkeeg loj tom qab txhaj tshuaj tiv thaiv kab mob COVID-19 tag. Xav paub ntxiv txog qhov kev rau npe, mus xyuas: www.cdc.gov/vsafe.

YUAV UA LI CAS YOG KUV TXIAV TXIM TSI TSHAJ KOOB TSHUAJ TIV THAIV KAB MOB JANSSEN COVID-19?

Nws yog koj txoj kev txiav txim txog kev txhaj Koob Tshuaj Tiv Thaiv Kab Mob Janssen COVID-19. Yog koj txiav tsi txhaj nws, yuav tsi hloov txoj kev kho kab mob kev nkeeg rau koj.

PUAS MUAJ LWM COV TSHUAJ TIV THAIV TUS KAB MOB COVID-19 DUA LI NTAWM KOOB TSHUAJ TIV THAIV KAB MOB JANSSEN?

Tam sim no, yeej tsi muaj lwm koob tshuaj tiv thaiv kab mob los tiv thaiv COVID-19. Tej zaum yuav muaj lwm cov tshuaj tiv thaiv kab mob COVID-19 rau Kev Tso Cai Siv Thaum Kub Ceev (Emergency Use Authorization).

KUV PUAS TXHAJ TAU KOOB TSHUAJ TIV THAIV KAB MOB JANSSEN COVID-19 NROG LWM COV KOOB TSHUAJ TIV THAIV KAB MOB?

Tsi muaj lwm cov ncauj lus qhia txog kev siv Koob Tshuaj Tiv Thaiv Kab Mob Janssen COVID-19 nrog lwm cov tshuaj tiv thaiv kab mob.

YUAV UA LI CAS YOG KUV CEV XEEB ME NYUAM LOS SIS PUB NIAM MIS RAU ME NYUAM?

Yog koj cev xeeb tub los sis pub niam mis, sib tham txog koj cov kev taug nrog koj tus kws kho mob.

KOOB TSHUAJ TIV THAIV KAB MOB JANSSEN COVID-19 PUAS YUAV MUAB TUS KAB MOB COVID-19 RAU KUV?


Tsi Muab. Koob Tshuaj Tiv Thaiv Kab Mob Janssen COVID-19 yuav tsi muaj tus kab mob SARS-CoV-2 txuam rau thiab yuav muab tsi tau tus kab mob COVID-19 rau koj.

KHAWS CIA TWJ YWM KOJ DAIM NTAWV TEEV KEV TXHAJ TSHUAJ

Thaum twg koj txhaj tag koob Tshuaj Tiv Thaiv Kab Mob Janssen COVID-19, koj yuav tau txais ib daim ntawv teev kev txhaj tshuaj los sau tseg lub npe tshuaj tiv thaiv kab mob thiab hnuv uas koj tau txhaj qhov tshuaj tiv thaiv kab mob.

LWM COV XOY XWM NTXIV

Yog tias koj muaj lus nug los sis xav tau Daim Ntawv Qhia Tseeb Txog Janssen COVID-19, siv koj lub tshuaj xoo tus zauv cim QR, mus xyuas qhov vas sab los sis hu tus xov tooj muaj nram no.

Zauv Cim QR	Qhov Vas Sab Muaj Cov Ntawv Qhia Tseeb	Cov xov tooj
	www.janssen-covid19vaccine.com	Teb Chaws Asmeskas Tus Xov Tooj Hu Dawb: 1-800-565-4008 US Toll: (908) 455-9922

KUV YUAV UA LI CAS THIAJ PAUB NTXIV?

- Nug tus neeg txhaj tshuaj tiv thaiv kab mob.
- Mus xyuas CDC ntawmt <https://www.cdc.gov/coronavirus/2019-ncov/index.html>.
- Mus xyuas FDA ntawm <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>.

Hu cuag koj lub tuam tsev pab pej xeev kev noj qab haus huv hauv zos los sis hauv xeev.

YUAV TEEV CIA KUV COV NTAUB NTAWV TXHAJ TSHUAJ TIV THAIV KAB MOB RAU QHOV TWG?

Tus neeg txhaj tshuaj tiv thaiv kab mob ntxiv tau rau cov ntaub ntawv txhaj tshuaj tiv thaiv kab mob hauv koj lub xeev/zos lub Tshuab Zwm Kev Tiv Thaiv Nruab Nrog Cev (Immunization Information System) (IIS), los sis lwm lub tshuab muaj. Xav paub ntxiv txog cov IIS, mus xyuas: <https://www.cdc.gov/vaccines/programs/iis/about.html>.

KUV PUAS RAUG TSUB QHOV NQI TXHAJ KOOB TSHUAJ TIV THAIV COVID-19?

Tsis raug nqi. Lub sij hawm no, tus kws kho mob tsub nqi tsis tau rau koob tshuaj tiv thaiv kab mob thiab koj yuav tsis raug them rau txoj kev txhaj tshuaj tiv thaiv kab mob los sis lwm qhov nqi yog tias tsuas txhaj koob tshuaj tiv thaiv COVID-19 xwb. Tiam sis, cov kws kho mob txhaj tshuaj tiv thaiv kab mob yuav thov kom tau nyiaj them rov qab los ntawm ib txoj kev pab los sis ib txoj kev kam them rau cov nqi txhaj tshuaj tiv thaiv COVID-19 rau tus neeg tau qhov tshuaj tiv thaiv kab mob (kev pov hwm them nqi kho mob muas, Medicare, Medicaid, HRSA COVID-19 Txoj Kev Pab Neeg Tsis Muaj Ntawv Them Nqi Kho Mob rau cov neeg tau tshuaj

txhaj uas tsis muaj ntawv pab them nqi kho mob).

KEV YUAV CEEB TOOM TXOG KEV TUB SAB TUB NYIAJ RAU QHOV TWG?

Xav txhawb kom cov tib neeg uas ras paub txog tej kev ua txhaum rau cov kev cai ntawm CDC Txoj Kev Pab Txhaj Tshuaj Tiv Thaiv COVID-19 ceeb toom rau Kws Txheeb Ntau Yam Dav Lub Chaw Khiav Hauj Lwm, Teb Chaws Asmeskas Tuam Tsev Tswj Xyuas Kev Noj Qab Haus Huv thiab Cov Kev Pab Pej Xeem, ntawm 1-800-HHS-TIPS los sis TIPS.HHS.GOV.

TXOJ KEV PAB THEM RAU KEV TAWM TSAM RAUG MOB YOG DAB TSI?

Txoj Kev Pab Them Rau Kev Tawm Tsam Raug Mob (Countermeasures Injury Compensation Program) (CICP) yog tsoom fwm teb chaws txoj kev pab uas yuav pab them rau cov nqi kho mob thiab lwm cov nuj nqis rau qee cov tib neeg uas raug kev mob loj heev los ntawm qee cov tshuaj los sis tshuaj tsiv thaiv kab mob, xws li qhov tshuaj tiv thaiv kab mob no. Feem ntau, yuav tsum xa daim nqi mus rau CICP ua ntej ib (1) lub xyoo txij li hnub tau txhaj koob tshuaj tiv thaiv kab mob. Xav kawm ntxiv txog txoj kev pab no, mus xyuas www.hrsa.gov/cicp los sis hu rau 1-855-266-2427.

Kev Tso Cai Siv Thaum Kub Ceev (Emergency Use Authorization) (EUA) Yog Dab Tsi?

Teb Chaws Asmeskas FDA muab Koob Tshuaj Tiv Thaiv Kab Mob Janssen COVID-19 ua txoj kev siv thaum muaj kev kub ceev hu ua EUA. EUA yog tau kev txhawb los ntawm Neeg Tuav Ntaub Ntawv Txog Kev Noj Qab Hauv Huv thiab Cov Kev Pab Pej Xeem) (Secretary of Health and Human Services) (HHS) cov lus plov meej tias cov xwm txheej uas muaj yeej kub ceev tsim nyog siv cov tshuaj thiab cov khoom roj ntsha thaum muaj tus kab mob kis thoob ntiaj teb COVID-19.

Koob Tshuaj Tiv Thaiv Kab Mob Janssen COVID-19 tsis raug tib hom kev tshab xyuas zoo xws li ib yam koom uas pom zoo los sis tso kev los ntawm FDA. FDA yuav muab qhov EUA thaum twg muaj raws li qee cov xwm txheej, uas pom tias yeej tsis muaj lwm cov kev taug uas zoo tsim nyog, pom zoo rau. Ntxiv mus, FDA txoj kev txiav txim yog raws li kev tshawb fawb muaj pov thawj qhia tias qhov tshuaj yuav ua hauj lwm zoo los tiv thaiv tau tus kab mob COVID-19 rau thaum muaj tus kab mob kis thoob ntiaj teb thiab cov txiaj ntsim zoo uas paub txog thiab muaj feem yeej ntau dua cov teeb meem uas paub txog thiab muaj feem los ntawm qhov tshuaj. Yuav tsum muaj raws li tag nrho cov xwm txheej no thiaj kheev siv qhov tshuaj thaum muaj tus kab mob kis thoob ntiaj teb COVID-19.

Yuav siv tau EUA rau Koob Tshuaj Tiv Thaiv Kab Mob Janssen COVID-19 thaum lub caij nyoog plov meej COVID-19 txoj kev siv cov tshuaj no yeej yog rau kev kub ceev, tshwj tsis yog raug muab nws txiav tu los sis thim rov qab (ces siv tsis tau cov tshuaj ntawd ntxiv lawm).

Tsim muaj los ntawm:

Janssen Biotech, Inc.

Janssen Pharmaceutical Company of Johnson & Johnson Horsham,
PA 19044, USA



© 2021 Janssen Pharmaceutical Companies

Xav paub ntxiv, hu rau Teb Chaws Asmeskas Tus Xov Tooj Hu Dawb: 1-800-565-4008, Teb Chaws Asmeskas Tus Xov Tooj Hu Dawb: (908) 455-9922 los sis mus rau www.janssencovid19vaccine.com

Kho tshiab: Ob Hlis Ntuj/27/2021



Xoo daim Ntawv Qhia Tseeb no cia rau hauv cov ntaub ntawv teev kab mob kev nkeeg/tshuab zwm kev tiv thaiv nruab nrog cev tias yog tau muab rau tus neeg tau tshuaj txhaj tiv thaiv kab mob.

Hnub Siv Tau Tus Zauv Cim: 02/2021

FDA muaj cov kev txhais ntawv no ua ib txoj kev pab rau ntau haiv neeg. Peb vam tias cov ntawv txhais no yuav pab tau koj. Txawm yog lub koom haum muab cov ntawv txhais kom yog li cov Lus Askiv npaum li yog tau los peb pom tias cov ntaub ntawv txhais yuav tsis raug kiag lub ntsiab, meej los sis tiav txhij txhua kiag li cov ntawv Askiv. Cov ntawv tseem ces yog Lus Askiv.